



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK (www.dobojistok.org)

Općinska izborna komisija, tel/fax:035/720-776; e-mail: oikdobojistok@outlook.com

Broj: 8/24

Datum, 24.01.2024.god.

PROGRAM RADA OPĆINSKE IZBORNE KOMISIJE DOBOJ ISTOK ZA 2024.GODINU

Nadležnost Općinske izborne komisije regulisana je članom 2.13 Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i podzakonskim aktima Centralne izborne komisije Bosne i Hercegovine.

Općinska izborna komisija u vršenju svojih ovlasti:

1. nadgleda i kontroliše rad Centra za birački spisak iz člana 3.8 ovog Zakona;
2. određuje biračka mjesta na području općine za glasanje na svim nivoima vlasti u Bosni i Hercegovini;
3. provodi postupak imenovanja, imenuje i obučava članove biračkog odbora;
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini;
5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH;
6. odgovorna je za uređenje biračkog mjesta i druge tehničke pripreme za izbore;
7. odgovorna je za pravilno brojanje glasačkih listića na biračkim mjestima i u općinskim centrima za brojanje;
8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH i
9. obavlja druge poslove u skladu sa zakonom i propisima Centralne izborne komisije BiH.

Obzirom da je 2024.godina izborna godina (provođenje lokalnih izbora), to će se u mnogome intenzivirati rad izbornih komisija svih nivoa, pa tako i Općinske izborne komisije Doboj Istok. Stoga će Općinska izborna komisija Doboj Istok (u daljem tekstu: OIK-a) nastaviti kontinuiranu aktivnost iz predhodnih godina, s tim da će težište aktivnosti u 2024.godini biti na sljedećim zadacima:

1. Intenziviranje rada Centra za birački spisak

OIK-a u smislu zakona nadgleda i kontroliše rad Centra za birački spisak.

Poznata je činjenica da određeni broj birača i dalje se nalazi na biračkom spisku van mjesta stanovanja, pa će se preduzeti aktivnosti da svi birači u općini Doboj Istok budu adekvatno raspoređeni. Uposlenik-lice ovlašćeno za rukovanje za računom pasivne registracije Centra za birački spisak prisustvovat će svim obukama vezanim za birački spisak jer je Centar za birački spisak posebnim linkom povezan sa bazom CIPS-a. Centralna izborna komisija Bosne i Hercegovine (u daljem tekstu: CIK BiH) je koristeći infrastrukturu mreže Agencije za identifikacione dokumente, evidenciju i razmjenu podataka IDDEEA, uspostavila elektronsku komunikaciju putem web maila sa svim općinskim izbornim komisijama u BiH, pa i sa OIK-om

Doboj Istok putem računara u Centru za birački spisak koji se koristi za pasivnu registraciju birača. Stoga, lice ovlašteno za rukovanje za računarom pasivne registracije je u obavezi da svaki radni dan provjerava da li ima prispjele pošte od CIK-e BiH u mail inboxu i prilikom provjere mail inboxa dužan je poslati potvrdni e-mail CIK-i BiH.

2. Ustanoviti potreban broj biračkih mjesta

Utvrđiti broj redovnih biračkih mjesta, biračkih mjesta za glasanje u odustvu i biračkih mjesta za glasanje nepotvrđenim glasačkim listićima na osnovu broja biračkih mjesta za Opće izbora iz 2022.godine. OIK-a će formirati mobilni tim ukoliko bude apliciranih birača sa posebnim potrebama, odnosno birača koju su vezani za svoje domove zbog starosti, bolesti ili invaliditeta i birača koju su vezani za ustanove.

3. Utvrditi lokacije biračkih mjesta

Na Općim izborima u 2022.god. lokacije biračkih mjesta su odgovarale propisanim uslovima, te će se i u ovoj godini utvrditi lokacije biračkih mjesta analogno lokacijama iz 2022.god.

4. Informisanje birača o lokacijama i vrsti biračkih mjesta

Odštampati plakate, letke sa informacijama o broju, vrsti i lokacijama biračkih mjesta koje će se distribuirati i izložiti na web stranici općine Doboj Istok i javnim mjestima na području općine Doboj Istok.

5. Distribucija Privremenih biračkih spiskova

Privremene biračke spiskove (PBS) umnožiti i istaknuti na svim lokacijama biračkih mjesta, a jednu kopiju zadržati za OIK-u, radi provjere.

6. Obavještenje birača o izlaganju PBS

Sačiniti saopćenje za javnost u vezi sa izlaganjem PBS i pravo na prigovor birača, dostaviti medijima i polijepiti plakate.

7. Prikupljanje prigovora na PBS

Sačiniti spisak prigovora birača na PBS i dostaviti ih CIK-i BiH, ukoliko se ne radi o prigovorima koje rješava OIK-a.

8. Selekcija članova biračkih odbora

Kao osnovu uzeti spisak članova biračkih odbora (u daljem tekstu: BO) sa izbora iz 2022.god. Kontaktirati političke subjekte radi dostavljanja spiska potencijalnih kandidata za BO. Kontaktirati sve članove biračkih odbora iz 2022.god. i provjeriti da li ponovo žele biti članovi BO, sačiniti rezervni spisak članova biračkih odbora i raspisati javni oglas za popunu rezervnog spiska kvalifikovanih osoba za imenovanje članova biračkih odbora, odnosno mobilnih timova. Izvršiti imenovanje članova biračkih odbora, donijeti rješenja o imenovanju i isto dostaviti izabranim članovima BO, političkim subjektima i CIK-i BiH. Selekciju članova BO u 2024.god. izvršiti u skladu sa Izbornim zakonom BiH i Pravilnikom CIK-e BiH

9. Obuka BO

Izabrati trenere za obuku BO i sa njima utvrditi plan obuke koji sadrži tematiku obuke, lokaciju i vrijeme obuke. Obezbjediti potrebna sredstva za realizaciju obuke. Obavijestiti članove BO o mjestu i vremenu obuke. Organizovati dodatnu obuku za predsjednike BO i njihove zamjenike koja će se fokusirati prvenstveno na uređenje biračkih mjesta, organizaciju rada BO, prebrojavanje glasova, popunjavanje obrazaca i pakovanje izbornog materijala.

10. Organizovanje skladišta izbornog materijala

Sačiniti plan skladištenja, prijema i distribucije izbornog materijala i organizovati obezbjeđenje materijala sa lokalnom policijom. Iskustva sa Općih izbora 2022. su pozitivna i u vezi obezbjeđenja i skladištenja izbornog materijala sve treba uraditi kao i 2022.godine.

11. Prijem i objavljivanje konačnih biračkih spiskova

Umnožiti konačni birački spisak (KBS) i izložiti ga na svim lokacijama biračkih mjesta radi uvida birača u isti i izložiti konačne kandidatske liste.

12. Spiskovi posmatrača

Zaprimiti spisak dostavljenih imena lica za posmatrače ispred političkih subjekata, nevladinih organizacija i drugih asocijacija, a u skladu sa Uputstvom CIK-e BiH odobriti akreditaciju.

13. Izdavanje akreditacija

Izdati akreditacije za posmatrače i dostaviti spisak akreditovanih posmatrača svim predsjednicima BO.

14. Prijem, skladištenje i distribucija osjetljivog materijala

Izvršiti provjeru dobijenog materijala i osigurati skladište do distribucije materijala na biračka mjesta. Sa lokalnom policijom dogovoriti obezbjeđenje izbornih materijala na dan, odnosno noć prije izbornog dana i osiguranje biračkih mjesta na dan izbora. Iskustva sa Općih izbora 2022. su pozitivna i sve treba uraditi kao i 2022.godine.

15. Konačni sastanak sa predsjednicima BO

Saopćiti detaljan plan u vezi primopredaje izbornog materijala i načina komuniciranja predsjednika BO sa OIK-om na dan uoči izbora i na dan izbora. Utvrditi plan dopremanja i predaje izbornog materijala sa biračkih mjesta.

16. Otvaranje biračkih mjesta

Neposrednim kontaktom provjeriti da li su na vrijeme organizirana i otvorena sva biračka mjesta i odmah rješavati eventualne probleme.

17. Kontrola rada biračkih odbora

OIK-a će, po posebnom planu, vršiti obilazak biračkih mjesta pri čemu će sagledavati pravilnost rada BO i otklanjati uočene nepravilnosti.

18. Izvještaji

OIK-a će izraditi poseban plan po kome će BO izvještavati o broju birača koji su pristupili glasanju, sigurnosnoj situaciji i drugim pitanjima značajnim za izborni proces. Putem telefona i elektronske pošte, OIK-a će izvještavati CIK-u BiH.

19. Prijem biračkog materijala i drugo

OIK-a će organizovano vršiti prijem izbornog materijala od BO, provjeriti materijal, sumirati rezultate i skladištiti materijal, dostaviti rezultate CIK-i BiH, objaviti preliminarne rezultate za područje općine Doboj Istok i organizovati transport materijala do sjedišta CIK-e BiH.

20. Obrada prigovora

OIK-a će primati i rješavati prigovore za koje je nadležna u smislu odredaba članova 6.4. i 17.9. Izbornog zakona BiH.

21. Isplata naknada angažovanim licima

Odmah po završetku izbornih aktivnosti isplatiti naknade angažovanim licima i druge troškove u vezi izbora.

22. Ostali poslovi

OIK-a će raditi i druge poslove koje joj uputstvima, instrukcijama i drugim propisima naloži CIK-a BiH, a nisu obuhvaćeni ovim programom, kao što su:

- Organizacija i provođenje aktivnosti koje neposredno propiše Centralna Izborna komisija BiH,
- Uspostavljanje neposredne saradnje sa Policijskom stanicom Doboj Istok, u cilju provođenja mjera i aktivnosti koje osiguravaju bezbjednost provođenja izbornog procesa,
- Uspostavljanje saradnje sa mjesnim zajednicama općine Doboj Istok,
- Uspostavljanje saradnje sa zainteresiranim medijima (radio, TV, dnevna štampa) radi obavještavanja građana o informacijama o provođenju izbornog procesa,
- Uspostavljanje saradnje sa direktorima škola i drugih institucija u kojima se formiraju biračka mjesta,
- Ostvarivanje neposredne saradnje sa nadležnim općinskim službama,
- Ostvarivanje saradnja sa drugim općinama u kojim borave birači sa teritorija općine Doboj Istok,
- Dodatno osposobljavanje i obuka članova OIK-e u skladu sa potrebama i zahtjevima CIK-e BiH.

U cilju provođenja aktivnosti koje su utvrđene ovim Programom, OIK-a će održavati redovne sastanke, kao osnovni metod i oblik rada, te u skladu sa potrebama provoditi i druge oblike i metode rada.

Uvažavajući potrebe, u radu OIK-e učestvovali i predstavnici nadležnih općinskih službi, političkih subjekata i drugih institucija na koje se određene aktivnosti odnose.

Napominjemo da će se navedene aktivnosti OIK-e obavljati u utvrđenim rokovima koji će se dostaviti od strane CIK-e BiH.

Na osnovu ovog Programa rada za 2024.god., OIK-a će uraditi operativni plan rada po svakom zadatku, odrediti nosioce aktivnosti i vrijeme izvršenja.

PREDSJEDNIK OIK-e,
Nermin Mrkanović

